



Sulisitsisunut tamanut

Dato: 28. januar 2014

Akileraarutit A-t, Sulisoqarnermut akitsuutit, akiliutit, aningaasarsianit ilanngaatit akiligassiissutigineqarneri pillugit nalunaarut.

Postboks 1605
3900 Nuuk
Oq./tel.: +299 34 60 00
Fax +299 31 1677
tax@nanoq.gl
www.aka.gl

Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaata nr. 10, 29. november 2013-imeersup Inatsisartunit akuersissutigineqarnerata kingunerisaanik, Akileraarutit A-t decemberimi unerartinneqartut kingusinnerpaamik akilerneqarnissaannut piffissaliussaq ulloq 3. februar 2014-imut nuunneqarpoq/kinguartinneqarpoq. Akiliinissaq maannamut pisarnertut pissaaq.

Akilerartarnermut Aqutsisoqarfiup inatsisip akuersissutigineqarnerata kingorna maluginiarpa, sulisoqarnermut akitsuutit (AMA), aningaasarsianillu ilanngaatigineqarsimasinnaasut akilerneqarnissaannut piffissaliussat inatsisip allanngortinneqarnerani ilanngullugit allanngortinneqarsimangitsut.

Taamaammat Aningaasaqarnermut Naalakkersuisup Inatsisartut uppernaammut ataatsimiinnissaannut inatsisip allannguutissaanik siunnersuummik saqqummiussinissaa ilimagineqarpoq, taamaasilluni akileraarutit A-t, sulisoqarnermut akitsuutit, aningaasarsianillu ilanngaatit akilerneqarnissaannut piffissaliussaq assigiinneqalissalluni. Tamannali siusinnerpaamik juni/juli 2014-imiit atuutilersinnaassavoq.

Akiliinissamut piffissaliussat assigiinnginnerisa sulisitsisunut aqutsisoqarfimmullu naleqqutinnginera Akilerartarnermut Aqutsisoqarfimmit ilisimaarineqarpoq, taamaamallu akileraarutit A-t, sulisoqarnermut akitsuutit, aningaasarsianillu ilanngaatit akiliiffissaq ataaseq akilerarutinik A-nik akiliinissamut piffissaliussaq atorlugu ataatsimut akilerneqassapput.

Nassuiaatit sukumiisut qarasaasiaq atorlugu (Nets-ikkut) tunniunneqarsimasut tunngavigalugit, akileraarutit A-t, sulisoqarnermut akitsuutit aningaasarsianillu ilanngaatit nalunaarsorneqarsimasunik Akilerartarnermut Aqutsisoqarfik girokorti/FI-korti atorlugit akiligassiissutumik nassiussissaaq. Siullermeersumik nassuiaatit sukumiisut ulloq 10. februar 2014 nalunaarutineqartut/nassiunneqartut tunngavigalugit akiligassiisoqassaaq, kingusinnerpaamik 3. marts 2014-imi akilerneqartussanik.

Naasuaatit sukumiisut tamarmik januarip aallaqqaataa 2014 aallarnerfigalugu siunissamilu Nets atorlugu akiligassiissutigineqartassapput. Taamatuttaaq nas-suaatit sukumiisut januarip aallaqqaataa kingorna nassiunneqartut decem-berimi 2013-imi aningaasarsianut attuumassuteqaraluartut Nets aqutigalugu akiligassiissutigineqassapput.

Nets atorlugu akiligassiissutit oqaasertalersorneqarnissaat ataani assersuutini takuneqarsinnaapput.

Nalunaarsukkat	Qaam./Ukioq	Akileraarutit A-t	Sulisoq. akitsuut	Akiliut
	Aningaa.	Ilangg.		
05.01.2014	Dec-13	1.999	999	00
11.01.2014	Jan-14	0	0	450,56
11.01.2014	Dec-13	1.999	9990	0
Missingersukk.	Okt-13	1.000	90	500

Katillugit akiligassiissutit: 8.036,56

Naasuaatit sukumiisut/akileraarutit A-t missingersukkat Nets atorlugu siunis-sami akiligassiissutigineqartassapput, tamannalu akiligassiissutip oqaasertaler-sorneqarnerani takuneqarsinnaassalluni.

Sulisitsisoq akiligassiissutit nassiunneqartut tunngavigalugit akiliivallaarsimap-pat, akiliivaallaarutigineqartut Akileraartarnermut Aqutsisoqarfiup Naatsorsuu-serineranut Immikkoortortaqarfianit utertinneqassapput.

Sulisitsisoq akiliinngitsoorsimappat imaluunniit akiligassami ilaannaanik akiliisi-mappat, akilinngitsoorneqartut akiligassiissutinut tullernut ilanngullugit Netsikkut akiligassiissutigineqassapput.

Inatsisip amigaateqarnerata piffissaajaatitsinera/paatsuungatitsinera Akileraar-tarnermut Aqutsisoqarfiup ajuusaarutigivaa.

Inussiarnersumik Inuulluaqqusilluta

Akileraartarnermut Aqutsisoqarfik.